



Notat

Frå:

Jan Erik Boge

Tilleggsinformasjon etter formannskapet si handsaming 20.08.2021 av sak om konstituering i stilling som rådmann

Saknr/Journalnr

21/432/21/7046//JEB

Arkivkode

FE-411

Dato:

26.08.2021

I formannskapsmøtet 20.08.2021 vart det gjort vedtak om konstituering av Øystein Granheim som rådmann i Samnanger kommune. Ordføraren hadde før møtet henta inn tilbod frå firmaet Agenda Kaupang, der dei tilbyr Øystein Granheim som konstituert rådmann i Samnanger i ein periode frå september 2021. I møteprotokollen for formannskapsmøtet 20.08.2021 har denne saka saksnummer 042/2021.

I formannskapsmøtet 20.08.2021 vart det stilt spørsmål ved om det ut frå gjeldande innkjøpsreglar burde vore henta inn meir enn eitt tilbod. I etterkant av formannskapsmøtet har det i tillegg vorte stilt spørsmål om formannskapet har mynde til å gjera vedtak om konstituering/tilsetjing av rådmann. Nedst i dette notatet følgjer kopi av e-post sendt 24.08.2021 frå rådmannen til ordføraraen og varaordføraren, der desse problemstillingane blir gått gjennom.

Ordføraren bestemte 24.08.2021 at det skal haldast ekstraordinært kommunestyremøte 02.09.2021, og at saka om konstituering av rådmann skal handsamast der. Dette betyr at formannskapet sitt vedtak frå 20.08.2021 blir ei innstilling til kommunestyremøtet 02.09.2021.

Kopi av innhaldet i e-post sendt frå rådmannen til ordførararen og varaordføraren 24.08.2021:

“Svar på spørsmål knytt til vedtak i sak 042/2021

Formannskapet vedtok 20.08.2021 å konstituere/leige inn Øystein Granheim frå Agenda Kaupang, som konstituert rådmann med verknad frå 08.09.2021. Nedanfor følgjer svar på sentrale spørsmål knytt til nemnde vedtak.

Høve til innleige av rådmann

Ifølgje tilbodet frå Agenda Kaupang gjeld tilbodet innleige av arbeidskraft.

Det går fram av § 13-1 i kommunelova at kommunestyret sjølv skal *tilsetje* ein kommunedirektør (mi utheving).

I Overå og Bernt si kommentarutgåve til kommunelova står det på side 297 mellom anna følgjande:

- *Selv om stillingen som kommunedirektør ikke er gitt status som et eget kommunalt/fylkeskommunalt organ, kan det ikke herske tvil om at denne stillingen har en markert særstatus innenfor den kommunale/fylkeskommunale forvaltningen. Det vil dermed ikke være adgang til å la et konsulentfirma ved en spesielt utpekt medarbeider fungere som kommunedirektør i kommunen/fylkeskommunen.*

Dette tilseier at den løysinga formannskapet har vedteke, ikkje er lovleg.

Mynde til å tilsetje rådmann

Ordlyden i kommunelova § 13-1 om tilsetjing av rådmann, tilseier at det ligg ei delegasjonssperre der, jf at kommunestyret «sjølv» skal tilsetje kommunedirektør. Formannskapet kan dermed ikkje tilsetje rådmann.

Kommunale innkjøpsreglar

Kommunestyret ba i sak 042/2021 om at det blir undersøkt om vedtaket og prosessen er i tråd med reglane for innkjøp. Som nemnt ovanfor meiner rådmannen at kommunen ikkje lovleg kan konstituere rådmann ved å leige inn arbeidskraft. Men om så var, ville reglane i lov og forskrift om offentlege anskaffingar gjelde. Desse reglane inneber «protokollplikt» på anskaffingar med verdi over 100 000 kroner (jf. § 7-1 pkt. 3 i forskrift om offentlege anskaffelser), og Doffin-kunngjeringsplikt på anskaffingar med verdi over nasjonal terskelverdi (1,3 mnok). Det vil sei at slik vedtaket var gjort, med innhenting av kun eitt tilbod, er framgangsmåten ikkje i tråd med reglane om offentlege innkjøp.

Konklusjon/tilråding

Det bør snarast kallast inn til ekstraordinært kommunestyremøte, der det blir konstituert rådmann i tråd med reglane i kommunelova.”